

Istraga o korupciji

U skladu sa svojim mandatom utvrđenim na Madridskoj konferenciji Vijeća za implementaciju mira, Ured Visokog predstavnika je pažljivo pratio i pružao svoju pomoć u istragama o korupciji i prevari koje su se provodile u oba entiteta Bosne i Hercegovine. U okviru te politike, OHR podržava nedavno iskazane napore potpredsjednika Federacije, Dr. Ejupa Ganića, u podsticanju energičnijeg pristupa istragama i krivičnom gonjenju u takvim slučajevima. Prema izmjenama u Federalnom zakonu o krivičnom postupku, od tužilaca Federacije i kantona se sada traži da zauzmu aktivniju ulogu u nadgledanju i koordinaciji krivičnih istraga. Kako bi se podstaklo poštivanje novog zakona, potpredsjednik Ganić je zakazao sastanak sa Federalnim tužiocem i tužiocima nekoliko kantona u cilju utvrđivanja statusa takvih slučajeva. OHR podržava ovu inicijativu.

Ekspertni tim OHR-a i IPTF-a je u Tuzli nadgledao istragu u vezi sa prevarama i korupcijom, koja je pokrenuta na osnovu navoda bivšeg guvernera kantona, Izeta Hadžića. Eksperti OHR-a i IPTF-a izvještavaju da su Federalna i Kantonalna policija imale dobru zajedničku saradnju i da su provele veoma detaljnu i profesionalnu istragu uprkos očiglednom pritisku koji su na njih vršili određeni pojedinci iz političkih krugova kako bi uticali na i razvodnili istragu i krivično gonjenje. Zatražena je pomoć Federalne finansijske policije, koja sada provodi nezavisnu istragu KDRR-a.

OHR je pažljivo pregledao izvještaje o istrazi u Tuzli, koje su pripremili Federalna i Kantonalna policija, te se slaže sa preporukom Federalne policije da se krivična prijava proslijedi sudiji istražitelju Kantonalnog suda u Tuzli. OHR takođe podržava rad Federalne policije i Federalne finansijske policije u podsticanju istraga protiv organizovanih kriminalnih radnji u Vladi Tuzlanskog kantona.

OHR traži hitno donošenje odluke u vezi sa istragama u slučaju Promdei banke i spora u vezi člana 26. Ugovora između BiH i Republike Hrvatske. Ove dvije istrage uključuju gubitak nekoliko miliona njemačkih maraka. OHR pažljivo prati ove slučajeve i nudi svoju pomoć i podršku.